

後村先生大全集

四六

後村先生大全集卷之百八十四

詩話新集

張祐金山寺云僧歸夜船月龍出曉堂雲樹影中流
見鐘聲兩岸聞孤山寺云斷橋荒蘚合空院落花深
孟浩然宅云孟簡雖持節襄陽屬浩然送人嶺南云
珠環揚氏果翠耀孔家禽別甥云偶作魏舒別聊為
殷浩吟靈隱師云貧知交道薄老信釋門空又題惠
山寺云泉聲到地盡月色上樓多題普賢寺云潭黑
龍隱在巢空鶴未還又云中摩庭前棗教郎見赤心
又云青雲舊李白憔悴為酒客贈內人云斜拔玉釵

燈影伴別開紅燄救飛蛾退宮人云開元皇帝掌中
憐流落人間二十年長說承天門上晏百官樓上拾

金錢劉屏山不見金錢歡酒行云燒得硫黃漫學仙

未如長付酒家錢竇常不與齊推藥却在人間八十

年邠王小管云號國潛行韓國隨宜春深院快花枝

金輿遊幸無人見偷把邠王小管吹又云號國夫人

承主恩平明騎馬入宮門却嫌脂粉汚顏色淡掃蛾

眉朝至尊張祐崔涯同時齊名同客淮南時海內承

平揚州繁華為天下第一兩生以風流自命所謂十

二紅樓名姝角妓得其一盼聲價為重祐詩有天下

三分明月夜二分無賴是揚州及人生只合揚州死
禪智山岡好墓田之句其放浪如此然五言如斷橋
荒蘚空院落花之語林和靖有妙入神之褒同時杜
牧之亦云誰人得似張公子千首詩輕萬戶侯今祐
詩存者僅四卷爾然則散落多矣涯詩未之見當攷
錢起張海州云山城仙島出海日印堂開又云春泉
洗藥暖晴日度花遲又云入雲投館僻采碧過帆遲
又云漢幟遠成霞胡馬來如蟻又云竹壇秋月冷山
殿夜鐘清又云海潮連月上舟火度煙來又云曲終
人不見江上數峯青不犯詩題一字而意在言外又

云求仲應難見殘陽又掩關又云秋入并州路黃榆
落故關孤城吹角罷數騎射雕還帳幕遙臨水牛羊
自下山征人正垂淚烽火起雲間又七言云溪雲雜
雨來茅屋山雀將雛過藥欄春郊云東風好作陽和
使途草逢花報發生題焦道士云綵雲不散燒丹竈
白鹿時藏種玉田又病鶴云獨鶴聲哀羽摧折沙頭
一點留殘雪鷺羣各畏野人撓誰肯相將霞外飛不
及川鳧長比翼隨波雙泛復雙歸碧海滄江深且廣
目盡天倪安得往雲山隔路不隔心宛頸鳴和長在
想何時白霧卷青天接影追飛太液前

卽士元送李騎曹云河來當塞曲山遠與沙平寄源
公云罷磬風枝動懸燈雪屋明謁傅太士云此方今
不滅何國更分身贈韋司直云客未吳地星霜久家
在凌陵音信疎題精舍市云月在上方諸品靜僧持
半偈萬緣空江南尉問俗云避地衣冠盡向南錢起
與卽士元同時齊名人稱之錢卽二人詩骨體弱而
力量輕然警句膾炙人口者不可泯沒錢起詩如病
鶴篇亦有意味卽七言多新意余選絕句錢取五言
十一首卽取五七言各一首余記唐人雜書載士元
嘗對客有馬令無茶分之戲北平王一日飲客士元

與馬坐間北平醉飽設茗供連沃數碗士元老不能
禁卽席吐利交下滿笑生大笑今不惜出處當攷
孟郊五言云試妾與君淚兩處滴池水看取芙蓉花
今年為誰死長安早春云乃知田家春不入五侯宅
又云萱草女兒花不解壯土憂又云野客雲作心高
僧月為性又云楓葉亂辭木雪猿清叫山又云借車
載家具家具少於車又云盧仝歸洛船崔嵬但載書
又云閑似獨鶴心大於高松年又云拾月鯨口邊又
云天津橋下水初結洛陽陌上行人絕榆柳蕭疎樓
閣闌月明直見嵩山雪

賈島五言云養雛成大鶴種子作高松又云白石通
宵煮寒泉盡日春又云竹籠拾山果瓦瓶擔石泉又
云馬曾金鏃中身有寶刀瘢又云山尋樵徑上人到
雪房遲又云寒草烟藏虎高松月照鷗又云石磬疎
寒韻銅瓶結夜澌又云疎衣蕉縷細爽味茗芽新又
云鳥歸山有迹帆過浪無痕又云鳥宿池中樹僧敲
月下門又云汲井嘗泉味聽鐘問寺名又云高頂白
雲盡前山黃葉多又云白髮無心鑷青山去意多又
云秋風吹渭水落葉滿長安又云禹留疏鑿跡舜在
寂寥祠又云秋月離喧見寒泉出定聞又云木深猶

積雪山淺未見猿又云一日不作詩心源如廢井又
云落日恐行人又云詩隨過海船七言云古來隱者
多卜能欲就先生問丙丁又云霜覆鶴身松子落月
分營影石房開唐詩人以島配郊又有島寒郊瘦之
評余謂未然郊集中忽作老蒼苦硬語禪家所謂一
句撞倒牆者退之崛強亦推讓之島有敬畏有自來
東野先生死側近雲山得散行之句以賈配孟是師
與弟子並行也賈五言有晚唐人不能道者

姚合五言云水氣詩書軟嵐烟筆硯濃又云尋山展
費齒書石筆無鋒又云夜猿啼戶外瀑水落厨中又

云映竹窺園劇尋雲採鶴情又云愛吳嫌山淺尋幽
喜徑生又云憔悴玉居士顛狂不稱時棄嫌官似夢
珍重酒如師無竹栽蘆看思山疊石為靜窻留客話
古寺覓僧碁惟應尋阮籍心事遠相知又云研露題
詩潔消水煮茗香又云野客嫌知印家人笑買琴又
云寫方多識藥失譜廢彈琴又云酒熟聽琴酌詩成
削樹題又云古廳眠易麤老吏語多虛又云教僕認
書簽又云畫筆半成鋒送邵州使君云驛路算程多
是水州圖管地少於山惜別云似把剪刀裁別恨兩
人分得一般愁寄白傅云詩中得意應千首海內嫌

官只一人亡友賈紫芝選姚合賈島詩為二妙集其
詩語往往有與姚賈相犯者余按賈大雕鏤姚差律
熟去韋柳尚爭等級

溫飛卿五言云雞聲茅店月人跡板橋霜又云果落
見猿過葉乾聞鹿行又云牧羊燒外鳴林果雨中拾
又云拾萍萍無根採蓮蓮有子不作浮萍生寧為藕
花死俠客行云欲出鴻都門陰雲蔽城闕寶劍黯如
水微紅濕餘血白馬夜頻驚三更灞陵雪七言云槿
籬方接近樵家麥隴青青一徑斜寂寞遊人寒食後夜
來風雨送梨花又云宜男漫作後庭草不似櫻桃結

子紅又云悠悠楚水流如馬恨紫愁紅滿平野野土
千年怨不平至今燒作鴛鴦瓦又曰擣麝成塵香不
滅拗蓮作寸絲難絕又金陵云花庭忽作青燕國謝
公墅歌云朱雀航南遠香陌謝郎東墅連春碧鳩眠
高柳日方融綺榭飄飄紫庭客文楸方罍方參差心
憚未成星滿地四座無喧梧竹靜金蟬玉柄俱持頤
對局含嘯見千里都城已得長蛇尾江南王氣繫踈
襟未許苻堅過淮水蔡中郎墳云古墳零落野花香
聞說中郎有後身今日愛才非昔日莫把心力作詞
人過陳琳墓云曾於青史見遺文今日飄蓬過此墳

詞客有靈應識我，霸才無主亦憐君。
石麟埋沒藏春草，銅雀荒涼對暮雲。
莫怪臨風倍惆悵，欲將書劍學從軍。
秘書省有賀監草題詩，作云：越溪漁客賀知章，
任達憐才愛酒狂。鸚鵡葦花隨釣艇，
蛤蜊菰菜夢橫塘。出籠鸞鶴歸遼海，
落筆龍蛇滿壞墻。李白死來無醉客，
可憐神采吊殘陽。

李義山西掖玩月五言云：露索秦宮井，
風弦漢殿箏。歸墅云：淥濁村舂急，
旗高社酒香。蟬云：五更疎欲斷，
一樹碧無情。煩君最相警，我亦舉家清。
笑著明寄飛卿云：何因携庾信同去，
哭徐陵。陳宮云：茂苑城如

畫閭門瓦欲流還依水光殿更起月華樓侵夜鸞開
鏡迎冬雉獻裘從臣皆半醉天子正無愁愁宮云歌
成猶未唱秦火入夷陵公子云歸應衝鼓半去不待
笙調子初金溪作云戰蒲知雁唼皺月覺魚來越燕
云去應逢阿母來莫害皇孫無題云錦長書鄭重眉
細限分明月云姮娥無粉黛只是逞嬋娟壽安主出
降云事等和強虜恩殊睦本枝四郊多壘在此禮恐
無時公主嫁田承嗣之子承嗣握兵而驕詩意歎唐
朝之姑息與嫁冒頓烏孫無異末句言諸節鎮皆有
子皆欲尚主何以主之昭肅挽詩云海迷求藥使雪

隔獻桃人哭劉蕢云空聞遷賈誼不待相孫弘裴明
府居云誠黑書新去張琴號古松陳後宮云渚蓮參
法駕沙鳥犯鈎陳鄭大有隱居云石梁高馮月樵路
細侵雲題李暮壁舊思玄賦新編雜擬詩撰彭陽公
誌云敢伐不加點猶當無愧詞詠懷寄舊僚云僕馭
嫌夫孺童孩笑叔癡少男方嗜栗幼女漫憂葵聖女祠
七言云一春夢雨常飄瓦盡日靈風不滿旗潭州云
陶公戰艦 賈傳 承平塵淮西碑云點竄堯典舜典
字塗改清廟生民詩公之斯文若元氣先時已入人
肝脾寄令狐學士云賡歌太液翻黃鵠從獵陳倉獲

碧雞杜工部蜀中離席云雪嶺未歸雲外使松州猶
駐殿前軍楚宮云已聞珮響知腰細更辨絃聲竟指
織無題云扇裁月魄羞難掩車走雷聲語未通井絡
云堪嘆故居成杜宇可能先主是真龍北齊云小蓮
玉體橫陳夜已報周師入晉陽寄令狐郎中云休問
梁園舊賓客茂陵秋雨病相如李家園云惟有夢中
相近分卧來無睡欲如何嫦娥云嫦娥應悔偷靈藥
碧海青天夜夜心隋宮云紫泉宮殿鎖煙霞欲作燕
城作帝家玉璽不緣歸日角錦帆應是到天涯于今
腐草無螢火終古垂楊有暮鴉地下若逢陳後主豈

宜重問後庭花籌筆驛云魚鳥猶疑畏簡書風雲長
為護儲胥徒令上將揮神筆終見降王走傳車管樂
有才真不愧闕張無命欲何如七夕云由來碧落銀
河畔可要金風玉露時馬嵬云此日六軍同駐馬當
時七夕笑牽牛如河四紀為天子不及盧家有莫愁
九日云曾共山公把酒時霜天曰菊繞堦墀十年泉
下無消息九日樽前有所思不學漢臣裁首宿空教
楚客詠江蘼郎君官貴施行馬東閣無因得再窺錦
瑟云莊生曉夢迷蝴蝶望帝春心托杜鵑滄海月明
珠有淚藍田日暖玉生煙相傳瑟有道怨清和四音